



SJÁVARÚTVEGS- OG LANDBÚNAÐARRÁÐUNEYTIÐ	
SKJ. N.	10.7.2
ÍTR.	
18. JÚLÍ 2008	
ÁBS.	HG
MLR.	08040148

Sjávarútvegs- og landbúnaðarráð
Hinrik Greipsson/Pórður Eypórsson
Skúlagötu 4
150 Reykjavík

Fjallabyggð, 15. júlí 2008
nr. erindis 0804031 JHF

Efni: Sérákvæði vegna úthlutunar byggðakvóta skv. reglugerð nr. 605/2008

Með tilvísun til bréfs ykkar til undirritaðs frá 27. júní s.l. (Tilv. SLR08040148/10.7.2) sendi ég hér með tillögur að sérákvæðum vegna úthlutunar byggðakvóta til einstakra fiskiskipa í Fjallabyggð, skv. 2. grein reglugerðar nr. 605/2008 um úthlutun byggðakvóta til fiskiskipa á fiskveiðiarinu 2007/2008. Á fundi atvinnu- og ferðamálanefndar Fjallabyggðar, mánudaginn 14. júlí s.l., var ákveðið að leggja til að áfram yrði unnið á grundvelli sveitarfélags í stað byggðarlags við mat á uppfyllingu skilyrða fyrir úthlutun.

Bókun nefndarinnar var svohljóðandi: "Markmið 10. greinar laga nr. 116/2006 er að efla fiskvinnslu og -veiðar í byggðarlögum. Nefndin telur því nauðsynlegt að reglur um úthlutun taki mið af þeim aðstæðum sem eru í sveitarfélaginu, þar sem fáar vinnslur eru í hvoru byggðarlagi, Ólafsfirði og Siglufirði. Nefndin ályktar að tímans vegna sé ekki tóm til að leggja til grundvallarbreytingar á úthlutunarreglum fyrir Fjallabyggð, en leggur þó til að við úthlutun aflamarks til einstakra fiskiskipa í Fjallabyggð fyrir fiskveiðarárið 2007/2008 verði miðað við afla sem landað er til vinnslu sveitarfélaginu, líkt og gert var á fiskveiðiarinu 2006/2007, í stað afla sem landað er í byggðarlaginu, líkt og kveðið er á um í 1. mgr. 6. greinar reglugerðar nr. 605/2008.

Nefndin fordæmir ítrekaðan drátt á afgreiðslu kærumála og seinagang ráðuneytisins við setningu úthlutunarreglna vegna byggðakvóta, sem setur sveitarfélagið í þessa stöðu og fer þess á leit við sjávarútvegs- og landbúnaðarráðuneyti að ráðuneytið sendi fulltrúa sinn til viðræðna um byggðakvótamál við fulltrúa sveitarfélagsins og hagsmunaaðila.

Bæjarráð Fjallabyggðar hefur á fundi sínum í dag, 15. júlí, staðfest tillögur atvinnu- og ferðamálanefndar um sérákvæði með svohljóðandi bókun: "Bæjarráð samþykkir tillögu atvinnu- og ferðamálanefndar um sérákvæði varðandi úthlutun byggðakvóta til fiskiskipa í Fjallabyggð fyrir fiskveiðarárið 2007/2008, að við úthlutun aflamarks til einstakra fiskiskipa í Fjallabyggð fyrir fiskveiðarárið 2007/2008 yrði miðað við afla sem landað er til vinnslu í sveitarfélaginu, líkt og gert var á fiskveiðiarinu 2006/2007, í stað afla sem landað er í byggðarlaginu, líkt og kveðið er á um í 1. mgr. 6. greinar reglugerðar nr. 605/2008"




Fjallabyggð

Meginröksemdin fyrir ofangreindu sérákvæði er að í byggðarlögunum eru fáir vinnsluaðilar og því lítil samkeppni um kaup á hráefni til fiskvinnslu. Ákvæðinu er ætlað að opna á slíka samkeppni og skapa grundvöll fyrir eðlilegri verðmyndun í verslun með afla sem veiddur er á grundvelli byggðakvóta.

Virðingarfyllst,



Fjallabyggð
Bæjarstjóri


Þórir Kr. Þórisson
Bæjarstjóri